

泉州府志

卷之七十一

三

泉州府志卷之七十

列女五

貞烈一

元

晉江王氏女名珠娘省元胄孫女年及笄值寇至執之珠娘恐被污行至大溪出其不意投水死處士林周員以詩弔之

明

晉江諸生楊希閔妻汪氏字貌莊幼聰慧讀論語孝經列

女傳悉曉大義適二年希閔卒無子汪時年二十三欲自縊家人防之嚼舌出血益防之聞茉莉有毒能殺人密煮湯貯臥內自作哀辭告祭曰吾不死不了吾事服毒而死正德閒事聞旌表

晉江蔡任妻孫氏行人振宗女弟夫亡時年二十二撫孤事姑至二十七歲孤夭姑繼歿氏無依遂自縊嘉靖十八年旌表

晉江林泗妻李氏名純香安溪人年十九泗贅其家甫五旬歸省病劇報至徬徨終夜明日馳至夫家泗歿矣伏

屍哭不絕聲水漿不納者七日從容治喪爲夫立後卒
哭之日袖夫囑自縊以殉子孫世祀忌前一日滿室異
香嘉靖十九年旌表

晉江朱焯妻陳氏都御史鑑三世孫婦夫亡時年二十六
忍死以撫遺孤未幾孤又死陳遂服毒而斃嘉靖二十
年旌表

晉江人官刑部員外郎何琚繼妻吳氏名扶陽御史從憲
女弟世爲禮義家知書通大義寡時年二十二無子卒
哭之日立囑置嗣區處後事從容自縊其絕命詞曰嗚

呼吾夫之亡妾上無舅姑可守以孝下無弱息可守以
慈安得顧戀殘生不自引決叅知王愼中歎其見之正
守之定爲私易其名曰純節善道吳氏烈女

晉江余汝麗未婚妻林氏名大娘汝麗商于外舅姑預迎
以歸夫亡于商氏自縊死嘉靖三十五年旌表

晉江徐譽妻黃氏歸譽六月譽病故氏哀毀自誓匝月自
縊以殉萬歷十一年旌表

晉江諸生林有棧妻許氏諸生喬植女有棧館于陳可瀛
家陳兄弟不睦弟將毒兄有棧誤食之死嗣子亦遭殤

氏痛夫仇未復居卒哭日由鄉居奔赴郡館柩前焚香
自縊日報夫之仇在此命矣時萬歷九年九月也十年
仇竟抵罪知縣彭國光表其墓

江李喬新妻蔡氏夫卒遺二子俱幼氏矢志育孤蓬頭
垢面紡績自存嘉靖季年遇賊潘若海等剽掠焚其夫
柩次孤爲慘氏痛憤大慟引刃自刎於焚柩烈焰中賊
相顧失色釋其長孤而去萬歷十三年旌表

晉江吳廷桂未婚妻孫氏幼解經史夫歿徒步奔喪以聘
釵拜見舅姑哭奠伏柩側自訂死期有助舅資使治美

木氏走視之曰木以美逾吾夫非禮矣以稽櫝來乃許之越二旬取魂帛懸而緇衣帶中書云男子勿近我身女人勿啓我衣萬歷十九年旌表

晉江蔡遵課未婚妻陳氏陳誠要女遵課旅歿氏聞訃哀毀骨立匍跣迎柩既入門伏柩號泣預制殮身之具謝舅姑曰吾不能養矣蔡氏之人或勸止之曰吾若不死不入此門矣絕粒而斃萬歷二十二年旌表

晉江人官都司鄧中溥妻林氏及鄧華清妻蔡氏均百戶炳曾孫婦也皆於夫亡匝月內絕粒死與鄧炳妻蔡氏

鄧鏗妻俞氏爲一門四節烈同時旌表

晉江諸生蔡國襄妻呂氏夫歿氏年一十七歲矢志身殉
悉斂其簪扇筆研納夫懷袖於三七期懸帛自縊萬歷
二十八年旌表

晉江姚楷未婚妻陳氏楷病故氏躡踊奔喪朝夕撫柩慟
哭堅餓而死何喬遠爲作哀辭萬歷三十四年旌表

晉江黃崇櫺未婚妻陳氏夫故氏甫十六歲奔訃自縊萬
歷三十四年旌表

晉江陳宗球妻史氏宗球死史必殉之有期矣尚攘袂爲

姑釀酒姑曰婦幾何日在人世尚爲我釀耶日政爲日短故釀而奉姑將死告舅曰母長婦木事聞旌表

晉江王命賡妻周氏忠愍天佐公孫一驄女年二十夫歿無子將以身殉恐爲舅氏憾旣除服舅萬金之官遂自截髮後數日投繯崇禎三年旌表建坊邑人何喬遠爲之作頌

晉江人官安慶叅將蘇國璋妻葉氏隨夫宦皖國璋爲張獻忠所執家屬盡被囚擄繫小舟江濤葉嗣聞夫死懼賊汚迫率孕妾晚梅婢僕應瑞等一十六人赴水死土

人撈其屍襟前着一小囊血書白綾二絕云腥風陣陣
起江隈百匝孤城作燼灰死孝死忠曾不悔成他節義
愧奸回敲斷玉釵不裏頭潛扶雙槩赴衝流男兒事了
奴何待拚與湘妃結伴遊懷寧令曾士懋殮葬顏色如
生致祭而去事聞贈正二品夫人旌表

晉江諸生吳佳鼎妻郭氏名四娘歸數日夫卒矢以身殉
時姑疾篤勉侍湯藥姑愈遂登堂自經崇禎中旌表

晉江吳斯稱妻楊氏年二十二夫歿姑哭于病氏忍死侍
姑姑歿葬畢從容盡節崇禎時旌表

晉江石氏名坤儀

晉江李氏

旌表年分皆無考

南安黃維楨妻楊氏同安人楊冲斗女楨後移居永春氏
事姑極孝室淺而聲不外聞年十七夫歿每擲筭靈前
曰奠三旬許我歸乎舅聞疑之既知其將死又止之且
使鄰嫗伺焉後舅出整衣拜堂前鄰嫗異之曰祝舅壽
且告歸期耳舅歸午饌具食之畢呼婦不應驚使鄰嫗
入視則以喪絰縊死喪帷中腰繫一袋其夫病中巾履
也時大旱紳士拜奠且請郡邑題旌乃雨天啓丙子建
坊

惠安諸生陳文鏐

通志作鏐

妻姚氏晉江舉人居易女少通孝

經列女傳歸九年夫病卒氏賦詩曰傷妾何薄命君死

妾亦死留此未灰心相逢一時語剪髮並納柩中屈五

旬自爲文辭家廟奠夫拜姑遍拜親黨更衣自縊萬歷

二十一年旌表

安溪許志超妻葉氏名坤隨年十九歸七閩月夫卒無子

葉絕食誓死所親強勸之坤隨曰無子殉夫婦道當然

尊者無以我爲念匍匐自縊柩旁萬歷二十二年旌表

安溪諸生張問行妻李氏太史光龍女歸兩月夫病篤氏

之謹陽示不死五旬奠畢伺姑閒投繯死萬歷閒旌表
安溪李緯妻林氏永春人山寇掠其鄉氏已逃避念幼女
復返走遇賊脫簪珥賄其魁釋之追者復至氏度不免
縊曰吾藏金某處同往發之行至黃石潭躍下死三日
屍出倚石而立國朝康熙五十四年世孫光地奏聞
御書女宗挺節旌之

同安諸生王湍妻林氏名三娘年十六適湍六月夫死無
姑欲嫁之三娘曰夫有三弟在或得姪可嗣吾未

死爲大血食計耳翁姑逼以寧母蓬垢三年足不出戶
其母因密受富室劉聘三娘知之忌日復歸服毒仆地
大慟姑懼令婢舉搜以如母市人見之皆爲流涕母竟
欲強奪之三娘曰女今嫁矣膏沐笑語異常母信之告
期於至期竊入臥內竟自縊死嘉靖十二年旌表

安劉仲芝未婚妻吳氏名二娘仲芝亡氏泣謂母曰兒
婦仲芝今其親老矣往臨其殯母乃義乎母與偕往至
殯所觸地求死衆抱持乃歸持服卒哭有求婚者母許
之氏沐浴自縊死嘉靖三十年旌表

同安許文潛妻黃氏名順娘文潛遊漳爲郡諸生及疾危囑順娘撫三歲孤順娘泣曰卽不起夫不後君一日死文潛卒順娘手殮畢卽自縊年三十三嘉靖三十年旌表

同安葉秀春未婚妻康氏名璿璣秀春卒女告父母臨其喪歸自縊死嘉靖四十二年旌表

同安諸生吳泰妻康氏嫁甫四月泰郡試病亡氏慟不復覩息旬餘自縊萬曆三十四年旌表與夫合葬東嶽前道旁有貞烈石坊今全石開捐成之

同安陳氏名二娘諸生鼎女年二十適龍溪王從彝逾月而孀翁姑父母慮其殉也強昇之歸欲徐勸之二娘卽以帶自經而死萬歷時於其門

白楊希閔妻至此皆已經旌表

青江李氏子妻莊氏名盛娘洪武元年夫以事詣京師偕行至崑山夫病死具衣衾殮葬畢寓書歸遺其親自溺而死會稽胡溫爲賊以哀之曰衆同舟兮孰無良妾身
熒熒兮良獨亡良既葬兮海之旁妾化精衛兮與良翔

翔

晉江郡諸生林光妻蔡氏名瑞金性嚴潔既歸林恪謹婦
道成化壬寅大疫舅歿俗皆畏避不敢喪蔡相光治棺
殮衰絰哭踊盡禮洎卒哭光亦卒無子蔡悉出所藏殯
殮哭奠數日自縊而死年二十二祀九節祠蔡清作傳
晉江王國助妻陳氏名媚妻生男甫四月夫病亟歎曰孤
將誰託陳曰吾決不異志君無累心夫死獨撫幼孤躬
織紵以爲衣食一日從母郭氏弔外祖之喪舟回至江
中賊舟逼及之陳度不免赴水死賊駭且悔隨旋舟遁
去越四日屍浮水上面色如生時年甫十七